

## Nr 373

## Stáhtaráđi mearrádus goaskimiid boazodollui dagahan vahágiid buhttemis

Addojuvvon Helssegis njukčamánu 18. beaivve 1999

Stáhtaráđdi lea Birasministeriija árvalusa vuodul mearridan:

## 1 §

*Heivehansuorgi*

Goaskimiid boazodollui dagahan vahát boazodoallolágas (48/1990) oaivvilduvvon boazodoalloguovllus buhttejuvvo stáhta bušeaha olis stáhta ruđain dan mielde go dán mearrádusas mearriduvvo.

## 2 §

*Buhtadusa vuoduštus*

Buhtadusa vuodđun leas goaskimiid goddin bohccuid árvoštallojuvvon mearri (rehkenastojuvvon vahát). Buhtadus mearrašuvvá goaskimiid bessendili ja daid čivgabuvttadusa vuodul rehkenastojuvvon reviiirraguovdasaš gerddona mielde.

## 3 §

*Buhtadusa mearri*

Buhtadusa ruhtameari vuodđun lea Birasministeriija nannen rehkenastojuvvon vahága árvu gerdojuvvon 2 momeanttas, 4 §:a 2 momeanttas dahje 5 §:a 1 momeanttas oaivvilduvvon gerddoniin.

Reviirraguovdasaš gerddon goaskinreviirras eará go 4 paragrafas máinnašuvvon bálgošiid siste lea okta. Jos goaskinreviira buvttada čivggaid, de dalle gerddon lea golbma.

## 4 §

*Bajilduvvon buhtadus*

Dán paragrafas oaivvilduvvon bajiduvvon gerddoniin váldojuvvo vuhtii bohcco stuurát osso dat goaskima biepmus 3 momeanttas máinnašuvvon bálgošiid siste.

Bajiduvvon gerddon goaskinreviirras lea guokte. Jos goaskinreviira buvttada čivggaid, de dalle gerddon lea vihtta.

Bajiduvvon gerddon lea anus rehkenasttedettiin buhtadusa meari goaskinreviirrain, mat leat čuovvovaš bálgošiid siste:

- 1) Bátneduottar,
- 2) Avvil,
- 3) Gáldoaivi,
- 4) Giehtaruohtas,
- 5) Kyrö,
- 6) Sápmi,
- 7) Muttošjávri,
- 8) Muotkeduottar,
- 9) Neakkel,
- 10) Njávđán,
- 11) Báhčaveaijohka,
- 12) Báišduottar,
- 13) Sállevári
- 14) Váhčir.

## 5 §

*Buhtadus rádjeguovllus*

Reviirraguovdasaš gerddon Suoma ja Norgga ráji goappáge beallai olli reviirras, man beassi lea Norgga beald, lea álo guokte.

Boazodoalloguovllu ráji máttabeallai olli goaskinreviirras máksojuvvo oassálas buhtadus.

## 6 §

*Buhtadusa máksin bálgošiidda*

Buhtadus máksojuvvo bálgosii buot daid 3, 4 dahje 5 §:s oaivvilduvvon goaskinreviirraid hárrái, mat leat bálgosa siste.

Reviiraguovdasaš gerddon juogaduvvo bálgo-siid gaskan, jos reviirra goaskimiid gehččet borran bohccuid moanaid bálgo-siid siste. Jos reviira lea muhtumassii 4 §:a 3 momeanttas oaiivilduvvon bálgo-siste, de rehkenastojuvvo buhtadus nu, ahte 4 §:a 1 momeanttas oaiivilduvvon gerddon heivehuvvo oppa reviirra hárrái.

Lappi birasguovddáš mearrida buhtadusain ja máksá buhtadusaid Birasministeriija dán ulbmilii čujuhan ruđaid ja Birasministeriija mearrádusaid mielde. Buhtadus máksojuvvo jahkásaččat golgotmánu 31. beaivvi rádjai.

## 7 §

*Buhtadus bealljemerkejuvvon bohccos*

Bálggus máksá iežas fidnen buhtadusas bohcco eaiggáđii buhtadusa, jos dát nu gáibida, goaskima goddin bealljemerkejuvvon bohccos dahje bealljemerkejuvvon bohccos, mii lea loahpahun buhtadus goaskima dagahan vahága dihte.

## 8 §

*Čilgehusat ja dárkkisteami*

Meahcceráđdehus čilge jahkásaččat goaski-

Helssegis njukčamánu 18. beaivve 1999

miid bessendili ja čivgabuvttadusa 3 §:a 1 momeanttas oaiivilduvvon reviiraguovdasaš gerddoniid rehkenastima várás js čilge ja dárbbu mielde árvvoštallá daid reviirraid meari, mat lea Norgga bealde lahka Suoma ráji.

Dárbbu mielde Meahcceráđdehus sáhtá bohcco eaiggáda bivdaga vuodul dárkkistahttit vahátbáikki bealljemerkejuvvon bohcco jápminsiva nannema várás.

## 9 §

*Dárkkilet mearrádusat*

Dárkkilet mearrádusaid dán mearrádusa ollašuttimis addá dárbbu mielde Birasministeriija.

## 10 §

*Fápmuiboahhtin*

Dát mearrádus bohtá fápmui cuoŋománu 1. beaivve 1999. Dat lea goittot leamaš geavahusas juo odđajagi 1. beaivvi 1998 rájes, goittot nu, ahte jagi 1998 bessenbadjái guoski buhtadusat máksojuvvojit cuoŋománu 15. beaivvi 1999 rádjai.

Birasministtar *Pekka Haavisto*

Allagohcci *Leila Suvantola*